



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ
ԵՎ ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍԶԱԿԱՆ ՄԱՐՄՆԻ
ՂԵԿԱՎԱՐ**

Ո Ր Ո Շ ՈՒ Մ S(19)200419

Վարչական տույժ նշանակելու մասին

«8» սեպտեմբերի 2020թ.

ք. Երևան

Ես՝ Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի ղեկավարի պարտականությունները ժամանակավոր կատարող Արտյուշ Գրիգորյանս, ուսումնասիրելով «Անգել Տրանս» ՍՊ ընկերության վերաբերյալ Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի Լոռու տարածքային բաժնի կողմից 18.08.2020 թվականին կազմված վերահսկողության արդյունքների ամփոփման թիվ S(19)200419 արձանագրությունը և վարչական վարույթի վերաբերյալ այլ նյութերը՝

ՊԱՐԶԵՑԻ

ՀՀ քաղաքաշինության, տեխնիկական և հրդեհային անվտանգության տեսչական մարմնի Լոռու տարածքային բաժնի մասնագետի կողմից 2020 թվականի օգոստոսի «18»-ին իրականացվել են վերահսկողական գործառույթներ՝ ուղևորափոխադրումների կազմակերպման գործընթացի նկատմամբ, որի արդյունքում 2020 թվականի օգոստոսի «18»-ին կազմվել է վերահսկողության արդյունքների ամփոփման թիվ S(19)200419 արձանագրությունը՝ «Անգել Տրանս» ՍՊ ընկերության կողմից ք. Երևանի թիվ 77 ներհամայնքային երթուղիում կատարված վարչական իրավախախտման փաստի վերաբերյալ, այն է՝ իրականացվել է փոխադրում երթուղու ուղեգծից ինքնակամ շեղումով «Գազել» մակնիշի 0129S հաշվառման համարանիշի ավտոտրանսպորտային միջոցով, այսինքն՝ «Անգել Տրանս» ՍՊ ընկերությունը (հասցե՝ ՀՀ, ք. Երևան, Մարգարյան 1-ին նրբանցք, շենք 4, բն.10) խախտել է «Ավտոմոբիլային տրանսպորտի մասին» ՀՀ օրենքի 21-րդ հոդվածի 4-րդ մասի ա) ենթակետի պահանջը՝ կատարելով Վարչական

իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 5-րդ մասով նախատեսված իրավախախտումը, այն է՝ Կանոնավոր ուղևորափոխադրումներ իրականացնողների կողմից երթուղու ուղեգծից ինքնակամ շեղումները կամ վերջնակետի (սկզբնակետի) խախտումները:

Վերոնշյալ իրավախախտման վերաբերյալ գործի քննությունը նշանակվել է 2020թ. սեպտեմբերի 1-ին, ժամը 15:45-ին: «Անգել Տրանս» ՍՊ ընկերության տնօրեն Էդգար Այվազյանը, պատշաճ ծանուցված լինելով գործի քննության տեղի և ժամանակի մասին (անդորրագիր AG020032682AM), չի ներկայացել վարչական իրավախախտման վերաբերյալ գործի քննությանը, չի ներկայացրել միջնորդություն գործի քննությունը հետաձգելու մասին, ինչպես նաև չի ներկայացրել գրավոր առարկություն:

Վերոնշյալ օրենսդրական պահանջների և չափորոշիչների հաշվառմամբ՝ վարչական վարույթի նյութերի հետազոտումից պարզվել է, որ իրավախախտման փաստը հաստատող բավարար ապացույցներ (2020 թվականի օգոստոսի «18»-ին կազմված վերահսկողության արդյունքների ամփոփման թիվ S(19)200419 արձանագրությունը, լուսանկարների պատճեններ) վարչական վարույթի նյութերում առկա են:

Այսպիսով՝ վարչական վարույթի ընթացքում հետազոտված ապացույցներով հիմնավորվել է «Անգել Տրանս» ՍՊ ընկերության տնօրեն Էդգար Այվազյանի կողմից կատարված իրավախախտման փաստը:

Վերոգրյալի հիման վրա և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 281-րդ հոդվածով, 282-րդ հոդվածի 1-ին կետով, 244¹³-րդ հոդվածով՝

ՈՐՈՇԵՑԻ

«Անգել Տրանս» ՍՊ ընկերության տնօրեն Էդգար Այվազյանին Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 5-րդ մասի հատկանիշներով ենթարկել վարչական պատասխանատվության և նրա նկատմամբ նշանակել վարչական տույժ՝ տուգանք՝ 100.000 (հարյուր հազար) ՀՀ դրամ գումարի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:

Տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:
Գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:
Տուգանքի վճարման դեպքում խնդրվում է «նպատակը» դաշտում նշել որոշման համարը:



Recoverable Signature

X

Grigoryan

ԱՐՏՅՈՒՇ ԳՐԻԳՈՐՅԱՆ

Signed by: GRIGORYAN ARTYUSH 2612770674



ԱՐՏՅՈՒՇ ԳՐԻԳՈՐՅԱՆ

(Ղեկավարի
պարտականությունները
ժամանակավոր կատարող)